

翰

林

集

翰林集卷第三

唐翰林學士承旨行尚書戶部侍郎知制誥柱國萬年韓偓著

大清貢生福鼎王遐春刊

驛步

癸酉年在南安縣

暫息征車病眼開  
況穿松竹入樓臺  
江流燈影向東去  
樹遞雨聲從北來  
物近劉璵招垢膩  
風經庾亮汗塵埃  
高情自古多惆悵  
賴有南華養不才

訪隱者遇沉醉書其門而歸

曉人江村覓釣翁  
釣翁沉醉酒缸空  
夜來風起閑花落  
狼藉柴門鳥徑中

疎雨

疎雨從東送疾雷，小庭涼氣淨莓苔。  
卷簾燕子穿人去，洗硯魚兒觸手來。  
但欲進賢求上賞，唯將拯溺作良媒。  
戎衣一掛清天下，傅野非無濟世材。

南安寓止

此地三年偶寄家，枳籬茅廠共桑麻。  
蝶矜翅暖徐窺草，蜂倚身輕凝去聲看花。  
天近函關屯瑞氣，水侵吳甸浸晴霞。  
豈知卜肆嚴夫子，潛指星機認海槎。

夜閨

輕風滴磔動簾鈎，猶自醺酣未卸頭。  
但覺夜深花有

露不知人靜月當樓何郎燈暗誰能詠韓壽香焦亦  
任偷敲折玉釵歌轉咽一聲聲入兩眉愁

十月七日早起作時氣疾初愈

疾愈身輕覺數通山無嵐瘴海無風陽精欲去陰精  
落天地苞含紫氣中

有感

擊辭羽葆與吹鐃翻向天涯困繫匏故老未曾忘炙  
背何人終擬問苞茅融風漸暖將迴鴈滌水猶腥近  
斬蛟萬里關山如咫尺女牀唯待鳳歸巢

觀雞鬪偶作

何曾解報稻梁恩  
金距花冠氣過雲  
白日梟鳴無意  
問唯將芥羽害同羣

蜻蜓

碧玉眼睛雲母翅  
輕於粉蝶瘦於蜂  
坐來迎拂波光  
久豈是殷勤爲蓼叢

卽目

書牆暗記移花日  
洗甕先知醞酒期  
須信閑人有忙  
事早來衝雨覓漁師

寄隣莊道侶

聞說經旬不啓關  
藥窻誰伴醉開顏  
夜來雪壓村前

竹剝見溪南幾尺山

初赴期集

輕寒著背雨淒淒  
九陌無塵未有泥  
還是平時舊滋味  
慢垂鞭袖過街西

惜花

嫩白離情高處切  
膩紅愁態靜中深  
眼隨片片沿流去  
恨滿枝枝被雨淋  
總得苔遮猶慰意  
若交泥汙更傷心  
臨軒一酸悲春酒  
明日池塘是綠陰

半醉

水向東流竟不迴  
紅顏白髮遞相催  
壯心暗逐高歌

盡往事空因半醉來雲護鴈霜籠淡月雨連鶯曉落  
殘梅西樓悵望芳菲節處處斜陽草似苔

春盡

惜春連日醉昏昏醉後衣裳見酒痕細水浮花歸別  
澗斷雲含雨入孤村人閑易有芳時恨地勝難招自  
古魂慙愧流鶯相厚意清晨猶爲到西園

睡起

睡起牆陰下藥欄瓦松花白閉柴關斷年不出僧嫌  
癖逐日無機鶴伴閑塵土莫尋行止處煙波長在夢  
魂間終撐舴艋稱漁叟賒買湖心一崦山

寄友人

傷時惜別心交加，搢頤一向千咨嗟。曠野風吹寒食月，廣庭煙著黃昏花。長擬醺酣遺世事，若爲局促問生涯。夫君亦是多情者，幾處將愁殢酒家。

見別離者因贈之

征人草草盡戎裝，征馬蕭蕭立路傍。樽酒闌珊將遠別，秋山邈迤更斜陽。白髭兄弟中年後，瘴海程途萬里長。曾向天涯懷此恨，見君嗚咽更淒涼。

傷亂

岸上花根總倒垂，水中花影幾千枝。一枝一影寒山



裏野水野花清露時故國幾年猶戰鬪異鄉終日見  
旌旗交親流落身羸病誰在誰亡兩不知

南亭

每日在南亭南亭似僧院人語靜先聞鳥啼深不見  
松瘦石稜稜山光溪澗澗塹塹蔓墜長茸島花垂小蓓  
行簪隱士冠卧讀先賢傳更有與來時取琴彈一遍

太平谷中翫水上花

山頭水從雲外落水面花自山中來一溪紅點我獨  
惜幾樹蜜房誰見開應有妖魂隨暮雨豈無香跡在  
蒼苔凝眸不覺斜陽盡忘逐樵人躡石回

雨

坐來赫赫山風急  
山雨隨風暗原隰  
樹帶繁聲出竹  
聞溪將大點穿籬  
入餉婦寥翹布領  
寒牧童擁腫蓑  
衣濕此時高味共  
誰論擁鼻吟詩空  
佇立

幽獨

幽獨起侵晨  
山鶯啼更早  
門巷掩蕭條  
落花滿芳草  
煙愁雲共遠  
春與人同老  
默默又依依  
淒然此懷抱

江行

浪蹙青山江北岸  
雲合黑雨日西邊  
舟人偶語憂風  
色行客無聊罷  
晝眠爭似槐花  
九衢裏馬蹄安  
穩慢

垂鞭

漢江行次

村寺雖深已暗知，幡竿殘日迥依依。  
沙頭有廟青林合，驛步無人白鳥飛。  
牧笛自由隨草遠，漁歌得意扣舷歸。  
竹園相接春波暖，痛憶家鄉舊釣磯。

偶題

俟時輕進固相妨，寶行丹心仗彼蒼。  
蕭艾轉肥蘭蕙瘦，可能天亦妬馨香。

湖南絕少舍桃，偶有人以新摘者見，惠感事傷懷，因成四韻。

時節雖同氣候殊不知堪薦寢園無合充鳳食留三

島誰許鶯偷過五湖苦笋恐難同象七

秦中爲櫻笋之會乃三月

也酪漿無復瑩蠟珠

湖南無牛酪之味

金鑾歲歲長宣賜忍

淚看天憶帝都

每歲初進之後先宣賜學士

### 隰州新驛

盛德已圓形胡爲忽構兵燎原雖自及誅亂不無名  
擲鼠須防誤連雞莫憚驚本期將係虜末策但嬰城  
肘腋人情變朝廷物論生果聞荒谷縊旋覩藁街烹  
帝怒今方息時危喜暫清始終俱以此天意甚分明

### 亂後春日途經野塘

世亂他鄉見落梅野塘晴暖獨徘徊船衝水鳥飛還  
住袖拂楊花去却來季重舊遊多喪逝子山新賦極  
悲哀眼看朝市成陵谷始信昆明是劫灰

贈易卜崔江處士

袁州

白首窮經通秘義青山養老度危時門傳組綬身能  
退家學樵漁跡更奇四海盡聞龜策妙九霄堪嘆鶴  
書遲壺中日月將何用借與閑人試一窺

過臨淮故里

交遊昔歲已凋零第宅今來亦變更舊廟荒涼時饗  
絕諸孫飢凍一官成五湖竟負他年志百戰空垂異

代名榮盛幾何流落久遣人襟抱薄浮生

贈湖南李思齊處士

兩板船頭濁酒壺七絳琴畔白髭鬚  
三春日日黃梅雨孤客年年青草湖  
燕俠冰霜難狎近楚狂鋒刃觸  
凡愚知余絕粒窺仙事許到名山看藥爐

亂後却至近甸有感

乙卯年作

狂童容易犯金門比屋齊人作旅魂  
夜戶不扃生茂草春渠自溢浸荒園  
關中却見屯邊卒塞外翻聞有漢村  
堪恨無情清渭水渺茫依舊遶秦原

同年前虞部李郎中自長沙赴行在余以紫石

硯贈之賦詩代書

斧柯新樣勝珠璣  
堪贊星郎染翰時  
不向東垣修直  
疏卽須西掖草  
妍詞紫光稱近  
丹青筆聲韻宜  
裁錦  
繡詩蓬島侍臣  
今放逐羨君迴  
去逼龍墀

翰林集卷第四

唐翰林學士承旨行尚書戶部侍郎知制誥柱國萬年韓偓著

大清貢生福鼎王遐春刊

甲子歲夏五月自長沙抵醴陵貴就深僻以便  
疎慵由道林之南步步勝絕去綠口分東入聊  
南小江山水益秀村籬之次忽見紫薇花因思  
玉堂及西掖廳前皆植是花遂賦詩四韻柳寄  
知心

職在內庭宮闕下廳前皆種紫薇花眼明欲傍漁家  
見魂斷方驚鳳闕賒淺色暈成宮裏錦濃香染著洞



中霞此行若遇支機石又被君平驗海槎

和王舍人撫州飲席贈韋司空

樓臺掩映入春寒  
絲竹鏗鏘向夜闌  
席上弟兄皆杞梓  
花前賓客盡鴛鴦  
孫引莫惜頻開閣  
韓信終期別築壇  
削玉風姿官水土  
黑頭公自古來難

避地寒食

避地淹留已自悲  
況逢寒食欲沾衣  
濃春孤館人愁坐  
斜日空園花亂飛  
路辱漸憂知已薄  
時危又與賞心違  
一名所繫無窮事  
爭敢當年便息機

山驛

參差西北數行鴈，寥落東方幾片雲。  
疊石小松張水部，暗山寒雨李將軍。  
秋花粉黛宜無味，獨鳥笙篁稱靜聞。  
蕭灑衿靈遺世慮，驛樓紅葉自紛紛。

早發藍關

關

一作開

門愁立候雞鳴，搜景馳魂入杳冥。  
雲外日墮

千里鴈山根霜共一，潭星路盤暫見樵人。  
火棧轉時聞驛使鈴，自問辛勤緣底事。  
半年驅馬傍長亭。

深村

甘向

一作老

深村固不材，猶勝摧折傍塵埃。  
清宵翫月

唯紅葉，永日關門但綠苔。  
幽院菊荒同寂寞，野橋僧

去獨徘徊隔籬農叟遙相賀□□□□膏雨來

重遊曲江

追尋前事立江汀漁者應聞太息聲避客野鷗如有  
感損花微雪似無情疎林自覺長堤在春水空連古  
岸平惆悵引人還到夜鞭鞘風冷柳煙輕

三月

辛夷纔謝小桃發踏青過後寒食前四時最好是三  
月一去不迴唯少年吳國地遙江接海漢陵魂斷草  
連天新愁舊恨真無奈須就隣家甕底眠

秋村

稻蘆蓼紅溝水清  
荻園葉白秋日明  
空坡路細見騎  
過遠田人靜聞水行  
柴門狼藉牛羊氣  
竹塢幽深雞犬聲  
絕粒看經香一炷  
心知無事卽長生

殘花

餘霞殘雪幾多在  
蒿香冶態猶無窮  
黃昏月下惆悵  
白清明雨後寥  
猶紅樹底草齊  
千片淨牆頭風  
急數枝空西園  
此日傷心處  
一曲高歌水向東

夜船

野雲低迷煙蒼蒼  
平波揮目如凝霜  
月明船上簾幕  
卷露重岸頭花  
木香村遠夜深  
無火燭江寒坐  
久換

衣裳誠知不覺天將曙幾簇青山鴈一行

傷春

三月光景不忍看五陵春色何摧殘窮途得志反惆  
悵飲席話舊多闌珊中酒向陽成美睡惜花衝雨覺  
傷寒野棠飛盡蒲根暖寂寞南溪倚釣竿

歸紫閣下

一笈攜歸紫閣峯馬蹄閑慢水溶溶黃昏後見山田  
火隴聽時聞縣郭鐘瘦竹迸生僧坐石野藤纏殺鶴  
翹松釣磯自別經秋雨長得莓苔更幾重

夜坐

天似空江星似波時時珠露滴圓荷平生蹤跡慕真  
隱此夕襟懷深自多格是厭厭饒酒病終須的的學  
漁歌無名無位堪休去猶擬朝衣換釣蓑

午寢夢江外兄弟

長夏居閑門不開遶門青草絕塵埃空庭日午獨眠  
覺旅夢天涯相見迴鬢向此時應有雪心從別處卽  
成灰如何水陸三千里幾月書郵始一來

曲江夜思

鼓聲將絕月斜痕園外閑坊半掩門池裏紅蓮迎白  
露苑中青草伴黃昏林塘閒寂偏宜夜煙火稀疎便

似村大抵世間幽獨景最關詩思與離魂

過漢口

濁世清名一槩休古今翻覆剩堪愁年年春浪來巫  
峽日日殘陽過沔州居雜商徒偏富庶地多詞客自  
風流聯翩半世騰騰過不在魚船卽酒樓

惜春

願言未偶非高卧多病無慘選勝遊一夜雨聲三月  
盡萬般人事五更頭年踰弱冠卽爲老節過清明却  
似秋應是西園花已落滿溪紅片向東流

及第過堂日作

早隨真侶集蓬瀛  
闔門開尚見星龍尾  
樓臺迎曉日  
鼇頭宮殿入青冥  
暗驚凡骨昇仙籍  
忽訝麻衣謁相庭  
百辟斂容開路看  
片時輝赫勝圖形

夏課成感懷

別離終日心忉忉  
五湖煙波歸夢勞  
淒涼身事夏課畢  
蕩落生涯秋風高  
居世無媒多困躓  
昔賢因此亦號咷  
誰憐愁苦多衰改  
未到潘年有二毛

離家第二日却寄諸兄弟

睡起褰簾日出時  
今辰初恨間容輝  
千行淚激傍人感  
一點心隨健步歸  
却望山川空黯黯  
迴看僮僕亦



草本身名四  
依依定知兄弟高樓上遙指征途羨鳥飛

遊江南水陸院

早於喧雜是深讐猶恐行藏墜俗流高寺懶爲攜酒  
去名山長恨送人遊關河見月空垂淚風雨看花欲  
白頭除却祖師心法外浮生何處不堪愁

江南送別

江南行止忽相逢江館棠梨葉正紅一笑共嗟成往  
事半酬相顧似衰翁關山月皎清風起送別人歸野  
渡空大抵多情應易老不堪歧路數西東

格甲

格卑常恨足牽仍欲學忘情盡不能入意雲山輸畫  
匠動人風月羨琴僧南朝峻潔推景東晉清狂數  
季鷹凋悵後塵流落盡自拋懷抱醉情騰

冬日

蕭條古木銜斜日戚慙晴寒滯早梅愁處雪煙連野  
起靜時風竹過牆來故人每憶心先見新酒偷嘗手  
自開景狀入詩兼入畫言情不盡恨無才

再止廟居

去值秋風來值春前時今日共銷魂頽垣古栢疑山  
觀高柳鳴鴉似水村菜甲未齊初出葉樹陰方合掩

重門幽深凍餒皆推分靜者還應爲討論

老將

折槍黃馬倦塵埃掩耳凶徒怕疾雷雪密酒酣偷號  
去月明衣冷斫營迴行驅貔虎披金甲立聽笙歌擲  
玉杯坐久不須輕矍鑠至今雙擘硬弓開

邊上看獵贈元戎

繡簾臨曉覺新霜便遣移厨較獵場燕卒鐵衣圍漢  
相魯儒戎服從梁王搜山閃閃旗頭遠出樹班班豹  
尾長贊獲一□連朔漠賀杯環騎舞優倡軍迴野靜  
秋天白角怨城遙晚照黃紅袖擁門持燭炬解勞今

夜宴華堂

余自刑部員外郎爲時權所擠值盤石出鎮藩  
屏朝選賓佐以余充職掌記鬱鬱不樂因成長  
句寄所知

正叨清級忽從戎況與燕臺事不同問口謾勞矜道  
在撫膺唯合哭途窮操心未省趨浮俗點額尤慙自  
至公他日陶甄成墜履滄洲何處覓漁翁

北齊 二首

任道驕奢必敗亡且將繁盛悅嬪嬙幾千奩鏡成樓  
柱六十間雲號殿廊後主獵迴初按樂胡姬酒醒更

新粧綺羅堆裏春風畔年少多情一帝王  
神器傳時異至公敗亡安可怨忽忽犯寒獵士朝頻  
戮告急軍書夜不通并部義旗遮日暗鄴城飛焰照  
天紅周朝將相還無體寧死何須入鐵籠

寄京城親友 二首

苦吟堪墜葉寥落共天涯壯歲空爲客初寒更憶家  
兩牆經月蘚山菊向陽花因味碧雲句傷哉後會賒  
相思凡幾日日欲詠離衿直得吟成病終難狀此心  
解衣悲緩帶搔首悶遺簪西嶺斜陽外潛疑是故林

野寺

野寺看紅葉縣城聞搗衣  
自憐癡病苦猶共賞心違  
高閣正臨夜前山應落暉  
離情在煙鳥一作遙入故  
關飛

吳郡懷古

主暗臣忠枉就刑遂教強國醉中傾  
人亡建業空城在花落西江春水平  
萬古壯夫應抱恨至今詞客盡傷情  
徒勞鐵鑠長千尺不覺樓船下晉兵

守愚

深院寥寥竹蔭廊披衣欹枕過年芳  
守愚不覺世途險無事始知春日長  
一畝落花圍隙地半竿濃日界

空牆今來自責趨時懶翻恨松軒書滿牀

村居

二月三月雨晴初舍南舍北唯平蕪前懽入望盈千  
恨勝景牽心非一途日照神堂聞啄木風舍社樹叫  
提壺行看旦夕梨霜發猶有山寒傷酒壚

離家

八月初長夜千山第一程欵顏唯有夢怨泣却無聲  
祖席諸賓散空郊匹馬行自憐非達識局促爲浮名

秋雨內宴

一帶清風入畫堂撼真珠消碎玎璫更看檻外霏霏

雨似勸須教醉玉觴

寒食日沙縣雨中看薔薇

何處遇薔薇殊鄉冷節時雨聲籠錦帳風勢偃羅帷  
通體全無力酡顏不自持綠疎微露刺紅密欲藏枝  
愜意凭欄久貪吟放醖遲傍人應見訝自醉自題詩

地壚

兩星殘火地壚畔夢斷背燈重擁衾側聽空堂聞靜  
響似敲疎磬裊清音風燈有影隨籠轉臘雪無聲逐  
夜深禪客釣翁徒自好那知此際湛然心

隰州新驛贈刺史



賢侯新換古長亭先定心機指顧成高義盡招素逐  
客曠懷偏接魯諸生萍逢到此銷離恨燕雀飛來帶  
喜聲却笑昔賢交易極一開東閣便垂名

草書屏風

何處一屏風分明懷素蹤雖多塵色染猶見墨痕濃  
怪石奔秋澗寒藤掛古松若教臨水畔字字恐成龍

永明禪師房

景色方妍媚尋真出近郊寶香爐上爇金磬佛前敲  
蔓草稜山徑晴雲拂樹梢支公禪寂處時有鵲來巢

登樓有題

暑氣簷前過蟬聲樹杪交待潮生浦口看雨過山坳  
才見蘭舟動仍聞桂楫敲穿雲朱檻好終覩鳳來巢  
朝退書懷

鶴帔星冠羽客裝寢樓西畔坐書堂山禽養久知人  
喚窻竹芟多漏月光粉壁不題新拙惡小屏唯錄古  
篇章孜孜莫患勞心力富貴安民理道長

元夜卽席

元宵清景亞元正絲雨霏霏向晚傾桂兔韜光雲葉  
重燭龍銜耀月輪明煙空但仰如膏潤倚席都忘滴  
砌聲更待今宵開霽後九衢車馬未妨行

大慶堂賜宴元璫而有詩呈吳越王

非爲親賢展綺筵恒常寧敢恣遊盤  
綠<sub>花</sub>楊柳綿初軟紅暈櫻桃粉未乾  
谷鳥乍啼聲似澁甘霖方霽景  
初寒笙歌風緊人酣醉却遶珍叢爛熳看

又和

櫻桃花下會親賢風遠銅烏轉露盤  
蝶下粉牆梅乍折蟻浮金斝酒難乾  
雲和緩奏泉聲咽珠箔低垂水影寒  
狂簡斐然吟詠足却邀羣彥重吟看

再和

我有嘉賓宴乍歡畫簾紋細鳳雙盤  
影籠沼沚修篁

密聲透笙歌羯鼓乾散後便依書篋寐渴來潛想玉  
壺寒櫻桃零落紅桃媚更俟旬餘共醉看

重和

冷宴殷勤展小園舞韶柔軟綵虬盤簪花盡日疑頭  
重病酒經宵覺口乾嘉樹倚樓青瓊暗晚雲藏雨碧  
山寒文章天子文章別八米盧郎未可看

御製春遊長句

天意分明道已光春遊嘉景勝仙鄉玉爐煙直風初  
靜銀漢雲消日正長柳帶似眉全展綠苔苞如臉半  
開香黃鶯歷歷啼紅樹紫燕關關語畫梁低檻晚晴

籠翡翠小池波暖浴鴛鴦馬嘶廣陌貪新草人醉花  
堤怕夕陽比屋管絃呈妙曲連管羅綺時時粧全吳  
霸越千年後獨此昇平顯萬方

余作探使以繚綾手帛子寄賀因而有詩

解寄繚綾小字封探花筵上映春叢黛眉印在微微  
綠檀口消來薄薄紅縵處直應心共緊研時兼恐汗  
先融帝臺春盡還春去却繫裙腰伴雪胸

別錦兒

及第後出京別錦兒與蜀妓

一尺紅綃一首詩贈君相別兩相思畫眉今日空留  
語解珮他年更可期臨去莫論交頸意清歌休著斷

腸詞出門何事空惆悵會夢良人折桂枝

閑步

莊南縱步遊荒野獨鳥寒煙輕惹惹傍山疎雨濕秋  
花僻路淺泉浮敗果樵人相聚指驚麀牧童四散收  
嘶馬一壺傾盡未能歸黃昏更望諸峰火

乾寧三年丙辰在秦天重圍作

仗劍夜巡城衣襟滿霜霰賊火遍郊垆飛焰侵星漢  
積雪似空江長林如斷岸獨凭女牆頭思家起長嘆

雨中

青桐承雨聲聲何重疊疎滴下高枝次打欹低葉

烏濕更梳翎人愁方挂頰獨自上西樓風襟寒帖帖  
與僧

江海扁舟客雲山一衲僧相逢兩無語若箇是南能  
晚岸

揭起青籬上岸頭野花和雨冷修修春江一夜無波  
浪投得行人分外愁

仙山

一炷心香洞府開偃松皴澁半莓苔水清無底山如  
削始有仙人騎鶴來

過茂陵

不悲霜露但傷春，孝理何因感兆民。  
景帝龍髯消息斷，異香空見李夫人。

曲江秋日

斜煙縷縷鷺鷥棲，藕葉枯香折野泥。  
有箇高僧入一作似圖畫，把經吟立水塘西。

流年

三月傷心仍晦日，一春多病更陰天。  
雄豪亦有流年恨，況是離魂易黯然。

商山道中

雲橫峭壁水平鋪，渡口人家日欲晡。  
却憶往年看粉



本始知名畫有工夫

咏燈

高在酒樓明錦幙遠隨魚艇泊煙江古來幽怨皆銷  
骨莫向長門背雨窻

招隱

立意忘機機已生可能朝市汗高情時人未會嚴陵  
志不釣鱸魚只釣名

雨村

鴈行斜拂雨村樓簾下三重幕一鈎倚柱不知身半  
濕黃昏獨自未迴頭

使風

茶香睡覺心無事一卷黃庭在手中  
欹枕捲簾江萬里舟人不語滿帆風

阻風

平生情趣羨漁師此日煙江愜所思  
肥鰕香菰小艫鱖斷腸滋味阻風時

并州

戍旗青草接榆關雨裏并州四月寒  
誰會凭欄潛忍淚不勝天際此江干

夏夜

猛風飄電黑雲生  
霎霎高林簇雨聲  
夜久雨休風又定  
斷雲流月却斜明

闌干

掃花雖恨夜來雨  
把酒却憐晴後寒  
吳質謾言愁得病  
當時猶不凭闌干

以庭前海棠梨花一枝寄李十九員外

二月春風澹蕩時  
旅人虛對海棠梨  
不如寄與星郎去  
想得朝回正畫眉

驛樓

流雲溶溶水悠悠  
故鄉千里空迴頭  
三更獨凭闌干

月淚滿關山孤驛樓

頻訪盧秀才

盧時在選未

藥訣棋經思致論柳腰蓮臉本忘情頻頻強入風流  
座酒肆應疑阮步兵

春恨

殘夢依依酒力餘城頭鴉鷓鴣  
一作畫角伴啼烏平明乍卷  
西樓幕院靜初聞放鞦韆

答友人見寄酒

雖可忘憂矣其如作病何淋漓滿襟袖更發楚長歌

野釣

細雨桃花水輕鷗逆浪飛風頭阻歸棹坐睡倚蓑衣  
贈友人  
莫嫌謔笑與經過却恐閑多病亦多若遣心中無一  
事不知爭奈日長何

曲江晚思

雲物陰寂歷竹木寒青蒼水冷鷺鷥立煙月愁昏黃  
半睡

眉山暗淡向殘燈一半雲鬢墜枕稜四體著人嬌欲  
泣自家揉損研絲綾

已涼

愁多却訝天涼早  
思倦翻嫌夜漏遲  
何處山川孤館裏  
向燈癡盡一雙眉

翰林集卷第四



翰林集附錄

撫言

韓偓天復初入翰林其年冬車駕出幸鳳翔偓有扈從之功返正初上面許偓爲相奏云陛下運契中興當復用重德鎮風俗臣座右僕射趙崇可以副陛下是選乞廻臣之命授崇天下幸甚上嘉嘆翌日制用崇暨兵部侍郎王贊爲相時梁太祖在京素聞崇之輕佻贊復有嫌釁馳入請見於上前具言二公長短上曰趙崇是偓薦時偓在側梁主叱之偓奏曰臣不敢與大臣爭上曰韓偓出尋謫官入閩故偓有詩

日手風慵展八行書眼暗休看九局圖窓裡日光飛  
野馬案前筠管長蒲盧謀身拙爲安蛇足報國危曾  
將虎鬚滿世可能無默識未知誰擬試齊竽

金鑿密記

僦於昭宗朝召入院試學士試文五篇萬邦咸寧賦  
禹拜昌言詩武臣授東川節度使制答佛誓國王進  
貢書批三功臣讓圖形表

夢溪筆談

韓偓詩極清麗有手寫詩百餘篇在其四世孫奕處  
僦天復中避地泉州之南安子孫遂家焉廣歷中予



過南安見奕出其手集字極淳古可愛後詣闕獻之  
以其忠臣之裔得司士叅軍終於殿中丞予在京師  
見僊送誓光上人詩亦墨蹟也與此無異

宣和書譜

僊自號玉山樵人所著歌詩頗多其間綺麗得意者  
數百篇贈炙人口或樂工配入聲律粉墻椒壁竊詠  
者不可勝計行書亦可喜題懷素草書詩云怪石會  
秋澗寒藤挂古松若教臨水畔字字恐成龍非潛心  
字學作語不能逮此

竹窓雜錄

釣龍臺上有盤石越王餘善釣白龍處也又名越王臺韓偓流寓閩中題詩云無那離腸日九迴強舒懷抱立高臺九華地向城邊盡外國雲從島上來四序有花常見雨一冬無雪却聞雷離宮紫氣生冠冕試望扶桑病眼開

李忠定梁溪集

韓偓昭宗時爲翰林學士承旨頗與國論爲崔胤朱全忠所不容謫濮州司馬其後復官不敢入朝挈其族依閩中王審知嘗道沙陽寓居天王院者歲餘與老僧蘊明善以詩贈之至後唐時邑令張僚爲之記

叙偃始末甚詳且述唐末亂離之事頗與唐史合予  
來沙陽聞之竊欲一觀而其碑因寺中廢爲有力者  
取去秘不示人久之始得見其副本感而賦之且錄  
偃詩卷中傳諸好事者云偶訪明公大德贈長句四  
韻前翰林學士承旨戶部侍郎知制誥韓偃上寸髮  
如霜袒右肩倚肩筇竹貌怡然懸燈深屋夜分坐移  
榻向陽齋後眠刮膜且揚三毒諭攝心徐指二宗禪  
清涼藥分能知否各自胸中有醒泉詞臣謫去墮天  
南詩墨從來榜寺簷好事不須收拾去世間遺集有  
香奩

後邨詩話

韓致光吳子華皆唐末詞臣位望通顯雖國感生辱而賦詠唱和不輟存於集者不過流連光景之語如感時傷事之作絕未之見當時公卿大臣往往皆如此

又

偃與吳融同時爲詞臣偃忠於唐爲朱三面斥貶責不悔如將虎鬚之句人未嘗誦似爲香奩所掩及朱三篡弒偃羈旅於閩時王氏割據偃詩文只稱唐朝官職與淵明稱晉甲子異世同符予讀其集壯其志

錄其警聯於篇內三數篇自述其玉堂遭遇唐季非  
復承平舊觀而待詞臣之禮猶然存之以備金鑿記  
之闕

瀛奎律髓

韓偓當崔胤朱全忠表裏亂國獨守臣節不變寧不  
爲相而在翰苑竟忤全忠貶濮州司馬事見本傳所  
謂報國危曾捋虎鬚非虛語也

又

韓致光天復二年隨駕鳳翔冬至夜作不道慘舒無  
定分却憂蚊響又成雷是時朱全忠圍岐甚急李茂

貞有連和之意偃之孤忠處此殆知其必一反一覆終無定在歟此關時事不但詠至節也

石林集

唐史偃傳貶濮州後卽不甚詳吾家所得偃詩皆以甲子厯厯自記有天祐二年乙丑在袁州得人賀復除戎曹依舊承旨詩又有丁卯年聞再除戎曹依前充職詩蓋兩召皆辭不赴也終身不食梁祿大節與司空表聖畧相等惜乎唐史止書乙丑一召不爲少發明之

潘子真詩話

山谷嘗爲予言杜子美雖流離顛沛心未嘗一日不  
在本朝故善陳時事句律精深超古作者蓋忠義之  
氣奮發而然韓偓貶逐後依王審知其集中所載手  
風慵展八行書眼暗休看九局圖窓裡日光飛野馬  
案頭筠管長蒲盧謀身拙爲安蛇足報國危曾捋虎  
鬚滿世可能無默識未知誰擬試齊竽其詞淒楚切  
而不迫不忘其君也

筆精

韓偓流寓閩中所作詩僅傳南臺懷古一首云無那  
離腸日九迴強舒懷抱立高臺中華地向天邊盡南

國雲從島上來四序有花長見雨一冬無雪却聞雷  
離宮紫禁生冠冕却望扶桑病眼開偃卒於閩其子  
寅亮與鄭文寶言偃捐館日溫陵帥聞其家藏箱笥  
頗多而扇鏹甚固發觀得燒殘龍鳳燭金縷紅巾百  
餘條蠟泪尚新巾香猶鬱乃偃爲學士日視草金鑿  
夜還翰苑當時皆秉燭以送悉藏之又文寶少游於  
延平見一老尼亦說斯事尼乃偃之妾耳第未考偃  
葬於何所也

全唐詩錄

偃十歲能詩嘗卽席爲詩送父友李商隱一坐盡驚



富才情詞靡麗初喜爲門閣詩後遭故遠遁出語依  
於節義得詩人之正焉

十國春秋

朱全忠忌偃貶濮州司馬昭宗執偃手流涕曰左右  
無人矣再貶榮經尉徙鄧州司馬哀帝復召爲學士  
還故官偃不敢入朝挈族來依王審知僑居南安天  
祐三年復有前命偃又辭爲詩曰豈獨鴟夷解歸去  
五湖漁艇且餽糟已而梁篡唐復召亦辭不往龍德  
三年卒於南安龍興寺自貶後以甲子厯厯自記所  
在其詩皆手寫成帙歿之日家無餘財惟燒殘龍鳳

燭一器而已

留青日札

閒之爲義或曰月到門庭方是閒也古皆從日與閒同其音稍異耳閒亦人之所難得者杜牧之有云不是閒人閒不得願爲閒客此閒行吳興因建得閒亭余性極愛閒而閒中不能靜處尋詩問酒灌卉調禽實無閒時因憶韓致堯有詩云書牆暗記移花日洗釜先知醞酒期須信閒人有忙事早來衝雨覓魚師玉山樵人可謂同調矣

閩小紀

閩中壤狹田少山麓皆治爲隴畝昔人所謂墾田也  
喪亂以來逃亡畧盡墾田蕪穢盡矣予寒食登邵武  
詩話樓詩有遺令不須仍禁火四郊茅舍久無烟之  
句及觀唐韓偓過閩中有千村冷落如寒食不見人  
烟只見花之句明張式之撫閩亦有除夜不須燒爆  
竹四山烽火照人紅之句千古有同悲也

書後

唐韓冬郎以京兆名儒棲身南越京兆人卒莫保其遺集而重刊之假手於我南越人南越人幸矣京兆人仰瞻先哲京兆人亦幸矣豈反謂南越人之欲表揚鄉先達囿於風氣晚開而借京兆名儒以詩其盛乎吾知京兆人不然而吾南越人亦不愧矣是用付刊時庚午秋福鼎後學王學貞拜題